

PROTOKOL O SARADNJI IZMEĐU

Vlade Federacije Bosne i Hercegovine i Međureligijskog vijeća u BiH, Sarajevo

Vlada Federacije Bosne i Hercegovine i Međureligijsko vijeće u Bosni i Hercegovini, izražavajući saglasnost o potrebi poboljšanja saradnje između ove dvije institucije, zaključili su slijedeći Protokol:

Član 1.

Ovim Protokolom se definišu prava i obaveze Vlade Federacije Bosne i Hercegovine i Međureligijskog vijeća u Bosni i Hercegovini (potpisnici Protokola) u pružanja usluga registriranim vjerskim zajednicama i crkvama u Bosni i Hercegovini, radi bolje saradnje između vjerskih zajednica i crkava sa Vladom Federacije Bosne i Hercegovine.

Član 2.

Međureligijsko vijeće u Bosni i Hercegovini preuzima obavezu da pomogne bolju komunikaciju između crkava i vjerskih zajednica u Bosni i Hercegovini i Vlade Federacije Bosne i Hercegovine. Međureligijsko vijeće u Bosni i Hercegovini će u skladu s svojim statutom preuzimati zahtjeve i primjedbe vjerskih zajednica i crkava, iste će pripremati i predlagati rješenja određenih problema. Međureligijsko vijeće u BiH će kontaktirati vjerske zajednice i crkve kako bi ponudilo usluge posredovanja i koordinacije vjerskih zajednica prema Vladi Federacije Bosne i Hercegovine.

Član 3.

Crkve i vjerske zajednice imaju pravo da koriste usluge Međureligijskog vijeća u Bosni i Hercegovini.

Nijedna odredba ovog Protokola o saradnji neće se tumačiti u smislu ograničavanja bilo kojeg prava bilo koje vjerske zajednice i crkve u Bosni i Hercegovini, niti će na bilo koji način da ograničava samostalnost registriranih vjerskih zajednica i crkava u Bosni i Hercegovini.

Član 4.

Vlada Federacije Bosne i Hercegovine će svake budžetske godine obezbijediti 50.000,00 KM (pedesethiljada) kao direktni transfer za potrebe Međureligijskog vijeća u Bosni i Hercegovini.

Član 5.

Ovaj Protokol o saradnji se zaključuje na neodređeno vrijeme.

Član 6.

Izmjene, dopune i raskid Protokola o saradnji će se vršiti sporazumom ugovornih strana.

Član 7.

Ovaj Protokol o saradnji se zaključuje na bosanskom, hrvatskom i srpskom jeziku u po dva primjerka, od kojih će po jedan biti pohranjen u arhivama Međureligijskog vijeća u Bosni i Hercegovini i Vlade Federacije Bosne i Hercegovine.

Član 8.

Ovaj Protokol o saradnji stupa na snagu i primjenjuje se od dana potpisivanja.

**MEĐURELIGIJSKO VIJEĆE
U BOSNI I HERCEGOVINI**

PREDSJEDNIK

Husejin Smajić
Husejin Smajić



VLADA FEDERACIJE BIH

Gavrilo Grahovac
Gavrilo Grahovac,
zamjenik Premijera Federacije BiH/
federalni ministar kulture i sporta



Broj: *17-02/11*

U Sarajevu, 03.02.2011. godine

Broj 03/05-40-1340/2010
Sarajevo,